



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

VIII. *De Lapide Osteocolla Inquisitio, Auctore*
 Ambrosio Beurero *Neurembergensi*; *com-*
municata per Dominum Petrum Collinso-
num, R. S. S.

Read May 9. 1745. **L**APIS Osteocolla variis nominibus

insignitur; communissime tamen *Ostiocolla* sive *Osteocolla* dicitur, quod vocabulum e duobus græcis ὀστέον, *os*, & κόλλα, gluten, componitur: alias etiam audit lapis ostites, ollostecos, ossina, ossifana, ossifraga, lapis *Asiaticus*, *Pierre de Monti*, lapis *Morochius*, flores arenæ, fossile arborefcens, lapis sabilis, lapis arenosus; *Germanico* idiomate, *Steinbruch*, *Bruch-Stein*, *Steinbruch-Stein*, *Knochen-Stein*, *Hand-Stein*, *Wein-heyl*, *Weinbruch-Stein*, *Wein-Quell-Stein*, *Wein-Knochen-Stein*, *Stein-Blumme*.

Majores nostri nullum habuere hujus lapidis notitiam, putantes esse ossa petrefacta; aliis speciem gypsi credentibus.

Osteocollæ autem provenit in ducatu *Crossensi*, *Silesiæ*, *Pomeraniæ*, *Hassæ*, *Saxoniæ*, *Poloniæ*, *Darmstadtii*, *Heidelbergæ*, *Spiræ*, *Jenæ*, *Megalopoli*, in marchionatu *Brandenburgico* ad *Bescoviam*, *Snonebergam*, & *Drossenam*.

Tellus, ubi provenit, semper est fabulosa & sterilis; passimque nihil aliarum arborum aut plantarum conspicitur, nisi meræ populi: nullæ autem, quod quidem tradunt, inveniuntur in vallibus, neque oriuntur

a scaturigine, neque unquam in viis lutosiis deprehenduntur.

Kräutermannus nonnemini quicquam obtulit domus atque arcis figuram sistens: magis autem tophus, quam *Osteocolla* fuisse videtur. *Mercatus* quoque vera ejusdem caruit notitione, dum petrefacta & tophos calcarios ejusmodi nomine insignivit, quorum hi *Hermanno* iudice magis bolaria aut cisti sunt.

Quod attinet ad ejus originem, provenit in modo memorata tellure fabulosa ad quorundum pedum profunditatem, & radice gerit figuram. Maximos vix duabus manibus complectaris, reliquæ sensim sensimque sunt minores. Quantum ad consistentiam, *Osteocolla* sub terra adhuc latens nunquam est dura, sed semper mollis & limosa, adeo, ut si digitis teratur, prorsus sebacea & pinguedinosa sit, tum autem siccata albescat, ut calcarium quicquam. Ut sub terra reperitur, partim cana est, partim flava aut alba, exteriusque sabulum eidem copiosum adhæret. Propter mollem consistentiam non omnino integra eximi potest, ut veram radice figuram gerat, nisi artificiosissime aggrediaris negotium, & nonnullas forte septimanas, aut aliquot menses, in illud insumas, siquidem raptim ablato sabulo rumpitur: unde sequentia sunt observanda, ut,

1. Laboriose & patienter quærat:ur:
2. Sabulum lente abstergatur:
3. Procul a radice auferatur:
4. Dispicatur, annon parvæ radices secundariæ irregulariter propullantes adsint, quas cavendum est, ne decutias:

5. Non multæ simul fodiantur, sed potius aliquantum moræ illis indulgeatur, quæ siccentur atque durefcant: tum,

6. Fovea asseribus obtegatur, ne quid ei fortuito illabatur aut pluvia illam conspergat:

7. Fossio non est repetenda, nisi exstantibus probe duratis:

8. Calida sicca atque leni tempestate asseres rursus auferantur, ut eo citius exsiccetur:

9. Fossio é longinquo incipiatur, cum inferius plerumque aqua inveniatur.

Osteocollam intus cavam esse, plurimi quidem norunt auctores, in eo tamen invicem differunt, utrum illa in vegetabilium an mineralium numerum sit referenda. Plurimi veterum eam ad ossa retulerunt metamorphosin experta, alii contra negant, quum perfecta ossium fragmenta non inveniuntur, neque in chemia ullum partium animalium vestigium compareat. *Erasmus* admodum verisimiliter de ea scripsit: qui Osteocollam pro ossibus non agnoscunt, minerale eandem agnoverunt é fabulo genitum, & jure quidem suo; *Dn. Prof. Teichmeyerus* eam margam nuncupat; *Dn. rei metallicæ consiliarius Henckelius* ad mineralia eam refert, generationem autem ejusdem reticet; *Dn. Prof. Junckerus* eam in fabulo gigni perhibet, non autem addit, num ex arborum stemmatis, an e radicibus proveniat. Ego eam radicem puto, cui arena adhærescit, quæque sensim ita generatur. Et quamvis satis Osteocollæ inveniatur, nihil tamen unquam ligni arborei aut saltem viride conspicitur supra terram extans; &, licet de origine hujus Osteocollæ ejusque arboris, cujus radix in Osteo-

collam jam degeneraverat, exacte inquisiturus essem, diu tamen id mihi non contingerat, nisi ad ultimum; ubi tandem tamen ad *Zernium*, haud procul a *Zossena*, aridum ejusmodi ramulum & viridem frondem conspexi, quod arbori, superius adhuc lignosæ, inferius autem in meram Osteocollam jam transmutatæ adhæferat, quæ accuratius paullo examinata species Populi erat.

Origo ejus igitur quærenda est in populo nigra, cujus arbore aut stemmate decisis aut petrifactis & corruptis, Osteocolla radici sensim accrescit, primario aut furculis.

In omnibus vero etiam Osteocollæ partibus invenis, iis adhuc aliquid lignosi inesse, utut jam putrefacti, coque elapso eas perforari, ita uti ossi similes appareant. Nunquam autem in arboribus prope illas atque in eadem tellure collocatis Osteocollam inveni: quodsi tellus esset in causa, in pinis, betulis, & similibus reperiri oporteret. Hoc vero docet,

1. Nunquam fere Osteocollam in regionibus *Salinis* deprehendi:

2. Credendum esse, ubi Osteocolla invenitur, ibi semper antea populos extitisse:

3. Omnes Osteocollæ fossiores visuros, eam fuisse radicem:

4. Unum adhuc criterium suppeditari posse, ubi quid Osteocollæ invenitur, ibi ordinariæ aliquid calcariorum ossium prominere videri, quæ florem exprimere videantur: unde multis venit in mentem eam crescere & florere.

Osteocolla igitur est sub sabulo, semper autem eo tantum loco, ubi radices sitæ erant, quibus adhærescens

refcens sensim obduruit, atque in quantum eminuit, in alborem se induit; quodsi quid ejus dissimile invenitur, casu fortuito illi fortasse afflatum est. Radice inventa, spithamam unam profundius fodi potest, & certo Osteocolla reperietur. Osteocolla igitur, quam diu sub terra manet, mollis, aut circiter instar calcis maceratae sabulo permixta: ubi vero humor in aërem abiit, sensim etiam magis indurefcit.

Ad generationem ergo requiritur

(a) Radix populi:

(b) Si ne radix populi quidem conspici queat, ope tamen distillationis vegetabile in oleo empyreumatico demonstrari potest:

(c) Ad generationem multum confert acidum salis sabulo arte unitum:

(d) Ut & arena subtilis, quum in chemia notum sit, in arena semper aliquid acidi remanere, atque adeo semper lapidescens quid adesse, ut ita, vi dictorum, acidum salis una cum multo humore sabuli materiam constituar, nisi quod hic liber aëris accessus adhuc desit, quum alias in terra jam in lapidem transformatum fuisset.

Hoc inde apparet, quia,

1. Massa, simulac aëri committitur & ficcatur, indurefcit:

2. Destillatio aliquid empyreumatici petrolei é partibus vitriolicis & bituminosis constituti ostendit:

3. Si oleum vitrioli Osteocollæ affunditur, acidum salis communis inde secedit:

4. Osteocollam vero non esse calcem, inde probo, quia ego nullo modo hanc elicere potui.

Ego

Ego Osteocollam variis menstruis aggressus sum visurus, quantum cujusque pondus in unoquoque eorum solveretur : unde semper Osteocollæ drachmam dimidiam atque cujusque menstrui unciam dimidiam hoc sine sumsi, sequentia ibi observavi :

- (a) Oleum vitrioli iv. ejus grana solvissse, quæ solutio erat coloris flavi, residuum vero ex albo flavescens :
- (b) Spiritus vitrioli omnia in formam salinam redegit :
- (c) Spiritus nitri ejus scrupulum i. grana iv. &
- (d) Acidum salis communis scrupulum i. grana vi. solvissse :
- (e) Aqua regis vero scrupulum i. grana iv. utramque autem solutionem flavam evassisse, residuum autem ex albo flavescens :
- (f) Acetum destillatum etiam scrupulum i. cum dimidio solvissse, solutionemque ejus subflavam evassisse ; residuum vero, ut cætera, a menstruo quoad coloris mutationem immunia mansisse.

Osteocolle itaque, ut in officinis usurpatur, minera est putanda, inprimis vegetabili inde separato ; potest dici terra calcarea ; non autem mutat syrupum violarum.

Ope destillationis igne aperto factæ suppeditat spiritum urinosum ; alcali fixo affuso effervesceat, simulque prodit spiritum urinosum ; residuum aquæ admiculo in lixivium redactum nihil produxit salini ; simul etiam unam residui partem in calcem redigere studui, nullam autem calcem obtinui. Quodsi vero oleum vitrioli Osteocollæ affunditur, acidum salis communis

communis inde secedit. Osteocolla alcali calcinata opacum vitrum constituere videtur, rursus autem in aquam resolvi potest, indeque verum vitrum nondum est putandum; Osteocolla retortæ tubulatæ indita, lenique igne imposita, oleoque vitrioli per tubulum affuso spiritum salis inde liberat, qui etiam destillando obtineri potest. Ego etiam obtentum hunc spiritum salis, hanc ob rationem sale alcali fixo saturavi, & sal commune regeneratum effeci, postea siccatum retortæ rursus immisi, oleum vitrioli affudi, iterumque in retortam indito, oleum vitreoli infudi, denuoque destillando spiritum acidum salis communis obtinui.

Summa Osteocollæ basis est sabulum; nonnulli volunt lac lunæ, medullam *Saxonum*, & lapidem Osteocollæ unum idemque esse, quod vero falsum est. Si quid rubicundi in Osteocolla fuerit repertum, martiale quid in vicinia adfuisse. Usus ejus medicus est absorbens; unde a nonnullis ad fluorem album sedandum adhibetur.